

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADSKA IZBORNA KOMISIJA**

Broj: 02/1-85/24

Visoko, 15.08.2024. godine

**JAVNI POZIV ZA POPUNU REZERVNE LISTE RADI UČEŠĆA U RADU U
BIRAČKIM ODBORIMA NA LOKALNIM IZBORIMA 2024. GODINE**

U skladu sa članom 2.19 stav (12) Izbornog zakona BiH ("Službeni glasnik Bosne i Hercegovine" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u vezi s članom 26. stav (4) Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, ("Službeni glasnik Bosne i Hercegovine", broj 31/24), Gradska izborna komisija Visoko, se ovim putem **obraća organima vlasti na svim nivoima za pružanje pomoći u popuni rezervne liste.**

Također, Gradska izborna komisija Visoko poziva sve **učenike završnih razreda srednjih škola, studente visokoškolskih ustanova, nezaposlene osobe koje se vode na evidencijama zavoda za zapošljavanje, zaposlene u gradskoj/općinskog administraciji** da uzmu učešće u pripremi i realizaciji planiranih izbornih aktivnosti i pomognu da se popune birački odbori radi provedbe Lokalnih izbora u Bosni i Hercegovini koji će se održati 06. oktobra 2024. godine.

Kandidati za popunu rezervne liste je potrebno da ispunjavaju opće i posebne uslove, i to:

Opći uslovi:

1. Prijavljeni kandidat je osoba s pravom glasa.
2. Za člana biračkog odbora ne može biti imenovano lice (član 2.3. Izbornog zakona BiH) :
 1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
 2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
 4. koji je aktuelni kandidat ili je bio kandidat za bilo koji nivo vlasti na posljednjim općim i posljednjim lokalnim izborima;
 5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- da ima prijavljeno prebivalište u općini za koju se imenuje u birački odbor, u pravilu da upisan u izvod iz Centralnog biračkog spiska za biračko mjesto za koje se imenuje,
- da ima najmanje završenu srednju školu, odnosno III, IV ili V stepen stručne spreme,
- da mu nije izrečena sankcija od Centralne izborne komisije BiH.

Za prijavu je potrebno da kandidat SG-3 obrazac popuni i potpiše se na mjestu potpis predloženog lica koji odgovara potpisu na identifikacionom dokumentu i isti dostavi Gradskoj izbornoj komisiji Visoko koja se nalazi u zgradi Gradske uprave Visoko, ul. Alije Izetbegovića 12A, sprat I, kancelarija broj 16 i 17.

Za sva dodatna pitanja i/ili pojašnjenja možete kontaktirati Centar za birački spisak na telefon broj 032/732-502 ili 732-500 ili lično posjetiti CBS kancelarija broj 16 i 17.

Ovaj Javni poziv ostaje otvoren do popune mjesta u biračkim odborima.


Svi prijavljeni kandidati će biti pozvani na obaveznu edukaciju.

Gradska izborna komisija Visoko obavještava da je Centralna izborna komisija BiH propisala naknadu za rad u biračkom odboru koja za člana biračkog odbora iznosi 110 KM i 60 KM za zamjenika člana biračkog odbora.

Prilog: Obrazac SG-3

Dostaviti:

- Gradskoj upravi Visoko-svima
- Oglasna ploča Gradske uprave Visoko
- Internet stranici
- RTV Visoko
- Biro rada Visoko
- a/a



Na osnovu člana 2.2, 2.3 i 2.19 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 4. stav (5) Uputstva o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine, broj: 05-1-02-2-597-1/24 od 03.05.2024.godine i člana 173. Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), pod punom materijalnom i krivičnom odgovornošću, predloženo lice daje

IZJAVU

Izborna komisija osnovne izborne jedinice koja predlaže lice sa rezervne liste za člana biračkog odbora/mobilnog tima/tima za otvaranje vreća i brojanje glasačkih listića u cilju pravilnog objedinjavanja izbornih rezultata

Za biračko mjesto: _____

Ime i prezime predloženog lica

Stručna sprema predloženog lica

Zanimanje predloženog lica

JMB i broj lične karte predloženog lica

Tačna adresa stanovanja predloženog lica

Broj telefona predloženog lica

Ja, _____, izjavljujem, kao kvalifikovano lice koje je predloženo za člana biračkog odbora, odnosno mobilnog tima/tima za otvaranje vreća i brojanje glasačkih listića, da nemam smetnji iz člana 2.3 stav (1) Izbornog zakona BiH, da su svi podaci koji su navedeni u ovom obrascu tačni, da sam saglasan da na prijedlog izborne komisije budem član biračkog odbora, odnosno mobilnog tima, odnosno tima za otvaranje vreća i brojanje glasačkih listića na izborima koji će biti održani dana _____, da sam saglasan da prisustvujem obaveznoj obuci i provjeri znanja o načinu glasanja i brojanja glasova koju organizuje izborna komisija, a u skladu s Planom i programom edukacije koji donosi Centralna izborna komisija BiH i Pravilnikom o postupku imenovanja i razrješenja biračkih odbora za Lokalne izbore u Bosni i Hercegovini 2024. godine.

Nakon dobijanja sertifikata, obavezujem se da ću kao član biračkog odbora biti prisutan tokom cijelog procesa glasanja, uključujući utvrđivanje rezultata glasanja, odnosno kao član mobilnog tima biti prisutan tokom cijelog procesa glasanja i brojanja, odnosno kao član tima za otvaranje vreća i brojanje glasačkih listića biti prisutan tokom brojanja glasačkih listića i utvrđivanja rezultata glasanja.

Datum: _____

Potpis predloženog lica koji odgovara potpisu na identifikacionom dokumentu

OBRAZAC: SG-3

M.P.

(Potpis predsjednika izborne komisije osnovne izborne jedinice)